

Regenten Baum.  
Fürst Friedrich Wil-  
helm/etc.

**Der Wunder schöne**  
Baum inn Sachsen / welcher  
aus einer alten Stamwurzel szo  
grünet vnd fruchtbarlich das  
her wechset.

Allen Sachsen / Meißnern / Thürin-  
gern/ Auch andern Liebhabern dieses Baums/  
Zum Newen Jahre Keimweis-  
se beschrieben.

Durch  
Siegmund Friedrich/etc.



Ein jeder ist seins Lobes werdt/  
Darnach ein tapffer Heldt auch strebt.

Gedruckt im Jahr Christi/  
1 5 9 3.

101 101

Faint, illegible text, likely bleed-through from the reverse side of the page. The text is arranged in several lines and is mostly mirrored.



# Fürst Friedrich Wilhelm.

191

## Der Wunder schöne Baum in Sachsen.



Wo kömpts denn her/ das vns ist grüne/  
Ein alter Baum so schön geblümt?  
In welchem Wald / in welchem Garten/  
Thut man so schöner Baum erwarten.  
Die sich so strecken weit vnd breit/  
Es ist ja nicht die Sommers zeit.

Wo kömpts denn her/ das vns ist grüne /  
Ein alter Baum so schön geblümt?  
Schaw wunder schaw / bey Winters frost/  
Vnd vmb die zeit da nichts außsprößt/  
Da safft vnd krafft geht vntersich/  
Noch grünt vnd wechßt vns vbersich/  
Der alte Baum von Sachsen Stam/  
Vnd sproßt herfür so lobesam.  
Ist wieder die natürlich art/  
Das Winterszeit was grüne so zart.  
Gott ist in sein thun wunderlich/  
Sein rath ist vnerforschelich.  
Durch solch sein Himlisch krafft vnd macht/  
Hat er auch diesen Baum geschafft/  
Vnd hie zu Land erwachsen lassn/  
Das er sich breit vbr Stadt vnd strassn.  
Du edler Baum/ Gott grüße dich/  
VON GOTTES GNADE erquickstu mich/  
Vnd alles was nur lebt vnd webt/  
Zu deinem Schatten emsich strebt.  
Da find es sanffte ruh vnd fried/  
A is

Ein

Ein böser Mann/ der dich nicht liebt.  
Der Himl vnd Erd die fremd sich dein/  
Denn beiden gibstu grossen schein.  
Was dir vertraut von oben her/  
Das gibstu/ wie ein Regen schwer.  
Ein Himlisch tau dich feuchten thut/  
Hast Göttlich krafft vnd safftes gut.  
Dein Stam vnd Wurzel krefftig ist/  
Wie Holz des Lebns zu aller frist.  
Im Paradeis Gott pflanzen thet/  
Solch Holz /welchs immer fruchte tregt.  
Von dannen her entspringt der Baum/  
Inn Sachsen / vnd nimpt grossen raum.  
Sein Fruchte sich jeko weit ausbreit/  
Vnd bringe vns viel der guten zeit.  
Inn Sachsen / Meissen / Thüringen/  
Sitz jeder in sein Wonungen.  
Arbeitet/ lehrt vnd pflegt der Zucht/  
Diz ist des schönen Baumes frucht.  
Die süsse Frucht von Gottes Gnaden.  
Dauon kein böser Giffit thut schadn.  
Man misch gleich vnter was man kan/  
Vnd felsch die Lufft / doch jederman  
Zu lest die Giffit ausspeit mit macht/  
Vnd kriegt seins Leibs vnd Seelen krafft.  
So gar hat vns Gott gnad erzigt/  
Vns Heil vnd Wolfahrt vberreichet.  
Mit diesem Baum vnd seiner Frucht/  
Wer bistu der sie so verflucht.  
Sie wechset vom hohen Himmel her/  
Denn Gott setz sie nicht ohn gefehr  
Der Kautenstock daneben grünt/  
Vnd alles böses weit verdringt/

Das

Das man gesunde vnd stiller leb/  
Zu Mordt vnd Krieg kein vrsach geb.  
Ein alt Gewechs vnd alt Geschlecht/  
Churfürsten Stams das sind sich rechte.  
Vnd hilfft den Sachn bescheidenlich/  
Erinnert sich seines Amptes pflicht.

192  
Gott grüsse dich zum andern mal/  
Dort hoch in seines Himmel Gal/  
Du Edler Baum/du Fürsten Stam/  
Der König ist nicht so lobesam/  
Dem Gott gab Ehr vnd Herrligkeit/  
Das er inn Assur sich außbreit/  
Von Esten schön/ von vieler frucht/  
So köstlich ist/ wenn Gott ersucht/  
Mit ein Regenten Land vnd Stadt/  
Vbr dem Man sich zufrewen hat.  
Im Lustgarten vnd Paradeis/  
Da seind die Zweig mit Lob vnd Preis.  
Wenn Gott dahin versetzen wird/  
Was seine Kirch vnd Menschen Ziert.  
Ist trübe wers nicht lassen kan/  
Sturm vnd vergifft auff aller bahn/  
Den klaren Brun vnd lautern Quell/  
Vnd hinder das nicht runter fell/  
Ein guter Regn auff guten Acker/  
In dem man treibt so viel der gklap.  
Die Raupen mögen benagen auch/  
Die Ast vnd Laub/ Der Gifft im Bauch/  
Mag schaden thun/ die Frösche schreten  
Mit hauffn/ das je nichts sol gedeien/  
Du Edler Baum/ du Fürsten Stam/  
Du wechsest dennoch Lobesam/  
Vnd bist voll Früchte der Gerechtigkeit/

A iij

Sampe

Sampt Gottes furcht in ewigkait.  
Laß murren vnd mißgönnen das/  
Was Gott will / du nicht vnterlaß.  
•• Mißgunst ihr selber schadet viel/  
•• Wenn sie nicht helt ein maß vnd ziel.  
•• An bösem rath/ vnd böser that/  
•• Kein Mensch nie nichts gewonnen hat.  
•• Gar mancher Schmidt macht andern Eißn/  
•• Vnd mus doch offte wol selbst drein beißn.  
Die tapffern Fürsten vnuersert/  
Stehn wie ein Fels / wohin sich fert  
Der Sturmwindt/ stehn sie wie ein Mawr/  
Verachten die Windtsbraut so sawr.  
•• Was guten grundt hat bleibt wol stehn/  
•• Das ander thut die Luft verwehn.

Fürwar es ist recht edler arth/  
Wenn solche Beum so schön vnd zart  
hergrünen / wenn Regenten sein/  
Ben den man hat des Rechtens schein/  
In Göttlichen vnd Weltlichen/  
Das maß doch je gar heilsam sein.  
Bedencks nur mit mir eben recht/  
Wer ist der vns zu Land anfecht?  
Wer schadet zu Wasser vnd auff Erdn/  
Da Fisch vnd Thier gemehret werden?  
Ists nicht also? Der schöne Baum/  
Der macht ihn allen weitten raum/  
Das an kein orth nichts schaden thut/  
Nicht anders als die Sonn verhut/  
Mit irem Stralen vnd dem glantz/  
Das alls bleibt vnuersert vnd ganz.

O Sachsen / Meissen / Thüringen!

Erfenn



97

Erkenn die Zier vnd Wolthaten/  
Die dir Gott selbst erzeiget hat/  
In dem er aus Göttlichem raht/  
Vns diesen Baum hat wachsen lahn/  
Vom Churfürstlichen Sachsen Stam.  
Sein muth der ist den Vorfahrn gleich/  
Die bey Gott sein im Himmelreich.  
Er hat das Herz vnd diesen Sinn/  
Das falsch vnd trug gar nichts gewinn.

Gott grüsse dich zum dritten mahl/  
Vnd helff dir hie vnd oberal.  
Du Edler Baum/du Fürsten Stam/  
Du kömpst von jenen Lobesam.  
Vnd lest dich ihunde sehen fein/  
Hilff Gott/ das wir auch danckbar sein.  
Es grünet vnd blüet alles mit lust/  
Ist jemandts dem solchs nicht bewust/  
Der seh die Kirchn vnd Schuln an/  
Den Fürsten Hoff/ vnd was daran/  
Die Rathhuser vnd Schöppenstuel/  
Was ist alda? Das nicht gesiel/  
Ein weisser Mann/ den nicht verblende/  
Sein Herz vnd Muth / der alles schende  
•• Ohn vnterscheide. Verstendig sein/  
•• Recht Brüheln ist der beste reim.

Die lieblich Frucht vom Sachsen Baum/  
Die reucht bis in des Himmels raum/  
Augustus Churfürst sie empfindt/  
Vnd Christian sein liebes Kinde.  
Der fremet sich/denck hin vnd her/  
Erinnere sich seins Vaters Lehr/  
Vnd was zu Brandenburgt HANS GEORGI

Der

Der tewre Churfürst tregt für sorg  
 Erkennet er gar wolgemeint/  
 Ergibt sich drein/ als Gottes Freund.  
 Wündschet selber Glück vnd Heil darzu/  
 Auff das die seinen haben ruh/  
 Das sie nicht kommen omb Land vnd Leut/  
 Denn Irthumb gibt oft solche Beut/  
 Er blickt Fürst **FRYEDRICH** freundlich an.  
 Befiehlt ihm auch sein Vnterthan.  
 Das Selig Liecht vor allen dingen/  
 Das Gottes Wort nicht möchte zerrinnen/  
 Vnd scheinen zu dem ewigen Lebn/  
 Darnach der Tapffre Fürst thut strebn.  
 Er reumt die Irrwisch aus dem Weg/  
 Vnd weckt das Volck auff allem Steg/  
 Das sie einmal auffwachen thun/  
 O Bürger vnd Bawer erkenn den ruhmb.  
 Ihr Adelichen Ritters Helden  
 Hört was ich iho thue vermelden/  
 Fürst **FRYEDRICH WYHELM**. Hochgenant  
 Ist/wie sein Nam/ mit that bekandt/  
 Er helt euch in sein Schirm vnd Schutz/  
 Wer ist/der euch dürfft bieten trutz?  
 Gleich wie ein Baum mit äst vnd schatn/  
 Also thut er euch allen raden/  
 Gleich wie ein Schiffman spant er aus/  
 Sein Sägel/ wenn es grawsam braust/  
 Helt vns inn Huth vnd guter Wacht/  
 Es sey bey Tag / es sey bey Nacht/  
 So schlaffen wir doch sanfft vnd still/  
 Vnd thun was jeder selber will.  
 Kömpt vngemach/ vnd vngewer/  
 Vnd macht die Göttlich Lehre thewr/

98

So schepffte er dann sein Heldenmuth/  
Erlöset vns von solcher fluth.  
Die wie der Teuffel wüt vnd tobt/  
Solch Christlich Werck man billich lobt.  
Was noch im Erdrich vbrig ist/  
Von Churfürst Friedrich/ wie man list/  
Vnd was von solchen mehr drin rugt/  
Dasselb ist aus den Grebern lugt/  
Vnd kömpt herfür durch diesen Mann/  
Welcher geborn von irem Stam/  
Vnd sagt ihm zu/ von Gottes wegn/  
Zum Regiment Glück/ Heil vnd Segn.  
Religion vnd Göttlich Lehr/  
Sev lange zeit gegangen vmbher/  
Hab nicht gewust ihrs bleibens stadt/  
Diweil die Welt ihr worden sath  
Die soll nun dieser tapffer Helde  
Auffrichten / das sie nimmer felt.  
•• Denn was Gott selber pflancken thut/  
•• Das helt er selbst in seiner hut/  
Mann mus ihm sein Wort bleiben lahn/  
Vnd keines danckes dazu han.  
Die Stamwurzel bleibt allezeit/  
Wenn gleich der Baum darnieder leit/  
Vnd ihn erdrückte die Sünd vnd Schand/  
Noch steht der Stam in Gottes Handt/  
Wenn gleich der Baum bricht/ felt vnd schatt/  
Oder nichts grüns/ noch fruchtbars hat/  
Noch ist der Stam gewurkelt ein/  
Der sucht sein vorig sterck vnd schein/  
Dringt vber sich mit ganser macht/  
Wechst wieder mit viel safft vnd krafft/  
Vnd bringt mit grossem Preis herfür

B

Die

Die abgelegte Fürstlich zier/  
Ernewert all ihr Tugenden/  
Was sie gelassen bringt er ein.

O Edler Fürst von Sachsen guth/  
Laß sehn den alten Helden muth/  
Gleich wie dein Nam / also dein ruhm/  
FRYEDRICH in Fried bald zu vns kum.

Gott hat dir selbst diß Ziel gesteckt/  
Damit der Vorfahren ehr erret/  
Wir bitten sehr / was lang gehofft/  
Ist niemands der solchs mehr vermocht.

Diß sey dein Lob/ diß sey dein ehr/  
Das du nachfolgst dem grossen hehr/  
Der löblichen Vorfaren all/

Die Selig ruhen in grosser Zal.  
Denn sie die tewern Helden sein/  
Welch nie gelitten falschen schein/  
Was Gott vnd Menschen triegen wolt/  
Das hat bekorn sein lohn vnd solt.

Einfeltigr Lehr/ sein schlecht vnd recht/  
Des seindt sie gewesen trewe Knecht/  
Was sie einmal für recht erkant/  
In Lehr vnd Lebn/ bey altem Standt/  
Vnd Ordensleuten vnuerrückt

Dhn ab vnd zusatz arger tück/  
Solch Lehrer vnd solch Vnterthan/  
Die waren ihn ein lieber Mann.

“ Es ist je fein/ vnd steht gar wol/  
“ Das man Tugendt nachfolgen sol/  
“ Vnd sich nach seiner Vorfarn arth  
“ Verhalt/vnd sey auch wolgelart/  
“ Vnd sie in allem vbertreff/

Was auch die böse Welt viel Kläff.

Das

Das Volck sich selig pfeissen mag/  
Welchs ein solchen Regenten hat.

195  
So wachse nun/du Edler Baum/  
Von Sachsen Stam/nim grossen raum/  
Gib dein Volck schatten Schirm vnd Schutz/  
So haben wir dein rechten nutz/  
Wenn wir nach mühe vnd sorg vns legen  
Zu schlaffen/ Aufstehn / das vnser Pflegn/  
Vnd gehn ahn teglichs thun vnd werck/  
Vnd singen frisch im Thal vnd Berg/  
Zu Gottes lob/ vnd deiner ehr/  
Hörn Gottes Wort in Kirchen Lehr/  
Hochwirdig Sacrament empfang/  
Einfeltig/vnd Gott walten lahn.  
Solch schlecht vnd recht Göttliches liecht/  
Bringst vns herfür/vnd wers ansicht/  
Der sicht sich selbst im finstern an/  
Gott vnd der Fürst strafft jederman.  
Schlecht/recht/ist war vnd ist gesunde  
Im Glaubn/ Spisfynnigs hat kein grunde.  
Viel grübln vnd wältn in Gottes Wort/  
Das strafft Gott endlich hie vnd dort.  
Alle Newrung ist gefehrlich ding/  
Das alte sich doch wider find.

HERR CHRYSSE/bitt den Vater dein/  
Das er ihm laß befohlen sein/  
Den schönen Baum so KRZEDENRECH/  
Vertreib was hin vnd wieder SCHLEJEH  
Von Füchsen/Wölffen/Schweinen wildt/  
Damit verdirbt das Edle Bildt.  
Welchs in dein heiligen Weinberg steht/  
Wenn arger Windt die Frücht anweht:  
Barmhertzigkeit mit vnterlauff/

Wie

Wir seinde zumal ein sündigr hauff/  
Dem Wolff verknüpf sein Rachen vnd Maul/  
Die Füchs vnd Schwein laß König Saul/  
Ein Wilpret sein / da man sie brett/  
Vnd niemands ist der sie errett/  
Wo sie sich nicht bekeren nun/  
Sonst wolst du ihnen gnad anthun.  
Machs ja das sich dein Kirch erheldt/  
Die wie ein Vogl bald runter felt  
Aus irem Nest / der Diebsche gener/  
Der strebt ihr nach / vnd stilt die Eier/  
Frisst auch die Jungen allzumal/  
Vnd ist doch vberall gar fahl.

O stewart vnd wehr du trewer Gott/  
Vnd hilff vns aus in solcher noth/  
Die Oberkeit vnd Vnterthan/  
Erhalt du stets auff schlechter bahn.  
“ Amen vnd Ja. Dein Wort ist war/  
“ Vnd du erhörst der Christen schar.

E N D E.



Umg. VI 67

[Dissertationes

miscell. Vol. 21.]


ULB Halle

3


002 402 475



A-20







Farbkarte #13

B.I.G.

27

ddd

lyo

Regenten Baum.  
Fürst Friedrich Wil-  
helm/etc.

**Der Wunder schöne**  
Baum inn Sachsen / welcher  
aus einer alten Stamwurzel iho  
grünet vnd fruchtbarlich das  
her wechset.

Allen Sachsen / Meißnern / Thürin-  
gern/ Auch andern Liebhabern dieses Baums/  
Zum Newen Jahre Keimwei-  
se beschrieben.

Durch  
Siegmund Friedrich/etc.



Ein jeder ist seins Lobes werdt/  
Darnach ein tapffer Heldt auch strebt.

Gedruckt im Jahr Christi/  
1 5 9 3.